



Visoki predstavnik obilježava 24. godišnjicu pada helikoptera na Prokoškom jezeru

Visoki predstavnik, Christian Schmidt, danas je podsjetio na stradanje 12 kolega iz OHR-a i UN-a koji su prije 24 godine poginuli u padu helikoptera kod Prokoškog jezera, u blizini Fojnice.

"Ostajemo vječno zahvalni i nastaviti ćemo njegovati sjećanje na naše voljene kolege koji su poginuli služeći miru i radeći na obnovi Bosne i Hercegovine: Peter Backes, Livio Beccaccio, Andrzej Buler, David Kriskovich, Leah Melnick, Charles Morpeth, William Nesbitt, Marvin Padgett, Thomas Reinhardt, Jurgen Schauf, Georg Stiebler i ambasador Gerd Wagner. Danas im odajemo počast još jednom potvrđujući snažnu posvećenost međunarodne zajednice Bosni i Hercegovini", rekao je visoki predstavnik.

Dana 17. septembra 1997. godine, dvanaest putnika je poginulo kada se njihov helikopter srušio u gustoj magli u blizini Prokoškog jezera. U helikopteru su se nalazile dvije delegacije: pet članova OHR -a i sedam članova Misije Ujedinjenih nacija. Zvaničnici OHR-a bili su na putu za Bugojno kako bi se sastali sa lokalnim vlastima i razgovarali o ključnim pitanjima u vezi sa provedbom Mirovnog sporazuma.